

नो॒त्युभा॒भ्याऽ स॒वाभ्याम॒वरु॒न्धे ॥ १३ ॥ त॒दाहुः । यद्वा॒वभिः सोमः॑ सू॒यतेऽथ॒ कथ॑  
 सौ॒त्राम॒णीति॑ प्रैषाप्रो॒भिरिति॑ ब्रूयाद्वा॒र्हता॑ वै प्रैषा ब॒र्हता॑ ग्रा॒वाणो॑ ग्रा॒वभिर्वै  
 सोमः॑ सू॒यते ग्रा॒वभिरे॒वैन॑ सु॒नोति॑ सोमसु॒त्ययै॑ ॥ १४ ॥ स॒र्वे प॒यस्व॒न्तो भ॒वन्ति॑  
 । प॒यसा॑ हि सू॒यते स॒र्वे सोम॒वन्तो भ॒वन्ति॑ सोम॒रूप॒तयै॑ स॒र्वे परि॒सु॒न्मन्तो भ॒वन्ति॑  
 परि॒सुता॑ हि सू॒यते स॒र्वे घृ॒त॒वन्तो भ॒वत्ये॒तद्वै प्र॒त्यक्षा॒द्यज्ञ॒रूपं॑ य॒दृतं॑ प्र॒त्यक्षादे॒वैनं॑  
 यज्ञ॒रूपं॑ करोति स॒र्वे म॒धुम॒न्तो भ॒वत्ये॒तद्वै प्र॒त्यक्षात्सोम॒रूपं॑ यन्म॒धु प्र॒त्यक्षादे॒वैन॑  
 सोम॒रूपं॑ करोति ॥ १५ ॥ ॥ शतम् ६३०० ॥ ॥ स॒र्वेऽआ॒श्विना॑ भ॒वन्ति॑ । भैष॒ज्याय॑  
 स॒र्वे सार॒स्वता॑ अ॒न्नाद्य॒स्येवा॒वरु॒द्धौ स॒र्वेऽऐ॒न्द्रा इन्द्रि॒यस्यै॒व वी॒र्य॒स्याव॒रुद्धौ ॥ १६ ॥  
 यदे॒व स॒र्वेऽआ॒श्विना॑ भ॒वन्ति॑ । स॒र्वे सार॒स्वताः स॒र्वेऽऐ॒न्द्रा ए॒ता वाऽए॒तं दे॒वता॑  
 अ॒ग्रे यज्ञ॑ स॒मभ॑रं॒स्ताभिरे॒वैन॑ सम्भ॒रत्य॒थोऽए॒ता ए॒वैत॑दे॒वता॑ भा॒गधे॒येन॑ स॒मर्ध॑  
 यति ॥ १७ ॥ सं॒तता॑ या॒ज्यापु॒रोऽनु॒वाक्या॑ भ॒वन्ति॑ । स॒मान॑दे॒वत्याः प्र॒ज्ञा॒नाऽ सं॒  
 त॒त्याऽअ॒व्यव॑हे॒दाय॑ स॒र्वा आ॒श्विन्यो॑ भ॒वन्ति॑ स॒र्वाः सार॒स्वत्यः॑ स॒र्वा ऐ॒न्द्र्यः स॒मा॒  
 नी ब॒न्धुता॑ ॥ १८ ॥ अ॒नुष्टु॒भ आ॒प्रियो॑ भ॒वन्ति॑ वा॒ग्वाऽअ॒नुष्टु॒ब्वाचो॑ वै सोमः॑ सू॒  
 यते वा॒चैवैन॑ सु॒नोति॑ सोमसु॒त्ययै॑ स॒र्वा आ॒श्विन्यो॑ भ॒वन्ति॑ स॒र्वाः सार॒स्वत्यः॑  
 स॒र्वा ऐ॒न्द्र्यः स॒मानो॑ ब॒न्धुता॑ ॥ १९ ॥ ज्ञा॒गता॑ अ॒नुप्रैषा॑ भ॒वन्ति॑ । इ॒यं वै ज॒गत्य॑  
 न॒या वै सोमः॑ सू॒यतेऽन॒यैवैन॑ सु॒नोति॑ सोमसु॒त्ययै॑ स॒र्वेऽआ॒श्विना॑ भ॒वन्ति॑ स॒र्वे  
 सार॒स्वताः स॒र्वेऽऐ॒न्द्राः स॒मानो॑ ब॒न्धुता॑ ॥ २० ॥ स वाऽए॒ष प्र॒त्यक्षात्सोम॒यज्ञ॑ ए॒व  
 यत्सौ॒त्राम॒णी । तं य॒द्येका॒की य॒जमानो॑ भ॒क्षये॑दि॒ष्टिर्वै॒व स्या॒त्पशु॑ब॒न्धो वा स॒र्व  
 ऽऋ॒त्विजो॑ भ॒क्षय॑न्ति स॒र्वे वाऽऋ॒त्विजः॑ सोमं॑ भ॒क्षय॑न्ति सोम॒रूप॒तयै॑ ॥ २१ ॥ आ॒श्वि॒  
 न॒मर्ध॒र्यवो॑ भ॒क्षय॑न्ति । अ॒श्विनौ॑ वै दे॒वाना॑म॒र्ध्र्यं स्व॒मेवै॒तद्वा॒गधे॒यऽ स्वऽआ॒य॒तने॑  
 भ॒क्षय॑न्ति ॥ २२ ॥ सार॒स्वत॑ ह्यो॒ता ब्र॒ह्मा॒ मैत्रा॑वरु॒णः । वा॒ग्वै यज्ञ॑स्य ह्यो॒ता ह्ये॒  
 दं ब्र॒ह्मा॒ मनो॑ मैत्रावरु॒णः स्व॒मेवै॑ ॥ २३ ॥ ऐ॒न्द्रं य॒जमानो॑ भ॒क्षय॑ति । ऐ॒न्द्रो